

Commune de Sandweiler  
n° Ges: *resu le*  
dt: 31 OCT. 2024

B	CE	SA	ST	RP	IC	RH	BE	PO	SC
BN	GC	HL	LS	NP	RC	RG	SI	SM	SS
TD	WA	WI	RJ	PG					



sandweiler@csv.lu

Administration communale de Sandweiler  
A l'attention du Collège échevinal  
18, rue Principale  
L-5240 Sandweiler

Sandweiler, den 31. Oktober 2024

**Betrëfft: Froen un de Schäfferot fir d'Gemengerotssëtzung vum 5. November 2024**

Madamm Buergermeeschtesch,  
Madamm, Monsieur Schäffen,

D'CSV Sandweiler Gemengerotsmemberen erlaben sech lech folgend Fro'en ze stellen a géifen sech iwwer eng Äntwert am Gemengerot vum 5.11.2024 freeën. Fir de Bierger Är Äntwert ouni eventuell verfälschend Interpretatioun zoukommen ze loossen, biede mir lech an der Suite ons Är Äntwert an engem rasonabelen Delai schrëftlech zoukommen ze loossen.

**Fro 1:**

D'Gemeng huet eng Ëmfro bei de Bierger gemaacht iwwert den Internetsite vun der Gemeng.

- Wéi vill Leit hunn do matgemaach?
- Wat hunn d'Leit am heefegsten ugi wat ze verbessere wär?
- Wéi eng Suite kritt déi Ëmfro?

**Fro 2:**

Paschtoueschhaus op Nummer 10 an der Itziger Strooss steet eisen Informatiounen nom Depart vum Paschtouer Scharzt eidel.

- Wat plangt de Schäfferot mat dëser Wunneng ze maachen?



*Handwritten signature and date: 9/10/24*

### **Fro 3:**

No 2 Joer ass d'Baugeneemegung fir d'Platz vum fréiere Restaurant "Wäissen Haff" ofgelaf a kann net méi verlängert ginn.

- Huet de Schäfferot Kontakt mam Promoteur?
- Ass nach Interessi vum Promoteur do, fir dëse Projet ze realiséieren an sou neie Wunnraum ze schafen?

### **Fro 4:**

Onsen Informatiounen no ass de Promoteur vum PAP "am Duerfkär" faillite.

- Huet de Schäfferot Kontakt mam Proprietär?
- Huet de Schäfferot Informatiounen, wéi et soll mat dësem PAP weidergoen? Ass Ären Informatiounen no, schonn en neien Investisseur fonnt?

### **Fro 5:**

Am Juni / Juli 2024 huet eng Petitioun stattfonnt an där Bierger de Schäfferot opfuerderen d'Bierge ze froe wéi e Projet vum Park soll realiséiert ginn. Bis elo huet de Schäfferot net op déi Petitioun reagéiert.

- Wéi positionéiert sech de Schäfferot zu dëser Petitioun?
- Plang de Schäfferot d'Bierger ze froe wéi e Projet, dee vun 2022 oder dee vum Mee 2024, soll ëmgesat ginn?

### **Fro 6:**

Kennt Dir ons w.e.g. Informatiounen iwwer d'Auslaaschtung vun den 3 Chargy Statiounen op den ëffentleche Parkinge vun der Gemeng liwweren?

- Wéi sinn déi eenzel Statiounen iwwer 1 rezente Mount vum Joer 2024 (hors Sommervakanz, also am beschte Juni oder Oktober) ausgelaascht?
- Wéi ass dobäi d'Auslaaschtung am Dag (8h-20h) an an der Nuecht (20h-8h)?

### **Fro 7:**

Am Summer gouf de "poteau anti-circulation" am Agang vum Wee laanscht d'Gemeng, Wee deen Deel vum "séchere Schoulwee" ass, an d'Hallschent vum Wee no hanne geréckelt. Dëst huet bewierkt dass den Agang vum Wee ëmmer erëm vun Automobiliste gebraucht gëtt fir d'Kéier ze maachen oder kuerzzäiteg do ze stationéieren.



- Wat ass de Grond dass dee Poteau geréckelt gouf an domat de Schoulwee fir d'Kanner op där Platz méi onsécher gemaach gouf?

#### **Fro 8:**

Reamenagement vun der rue Lentz an der rue Nic Welter ass esou weit fäerdeg. Fir Sécherheet vun de Schoulkanner ze garantéiere war scho virun den Aarbechten e „sens unique“ laanscht Schoul agefouert ginn.

- Ass geplangt deen erëm anzeféieren??
- Wann „Nee“, wisou net?

#### **Fro 9:**

Op Facebook gëtt et zanter den 18.10.2024 eng Säit mam Numm „Comission Jeunesse“ (net „Commission de la jeunesse“) an déi vun sech schreift „Den offiziellen konto vun der Sandweiler Jugendkommissioun“ ze sinn. Och op Instagram géif sou eng Säit bestoen.

- Huet déi Säit e Lien mat der „Commission de la jeunesse“ oder der Gemeng?
- Wann jo:
  - Wéi ass dat compatibel mat de reng consultativen Aufgabe vun enger „Commission consultative“?
  - Gedenkt d'Gemeng der Kommissioun bei der Kommunikatioun ënner d'Ärem ze gräifen?
- Wann nee: Plangt de Schäfferot géint des Säit an iergend enger Form virzegoen?

Link: <https://www.facebook.com/profile.php?id=61567410057684>

Bild an der Annexe

#### **Fro 10:**

- Wéi vill Leit sinn an de Biergerstonne vum September an Oktober virstelleg ginn?
- Wat waren hier Uleies?

#### **Fro 11:**

An der Sitzung vum 15 Mäerz 2024 huet de Gemengerot eng „Prise de position“ zum PAG geholl par Rapport zu de Reklamatiounen, déi vun de Bierger un de Ministère des Affaires intérieures gescheckt gi sinn.

- Ass an der Zwëschenzäit den Dossier PAG zréck op Gemeng komm?
- Wa jo, wéini gëtt e publizéiert?



### **Fro 12:**

Am Sandweiler Aktuell 14-2024 steet ze liesen:

“Fir eng nei Policeveruerdung opzestellen, wäerte mir eng Testphas lancéieren.”

- Wat versteet de Schäfferot ënner enger “Testphas” beim opstelle vun enger “Policeveruerdung”? Wéi funktionéiert sou eng “Testphas”?

Weiderhi gëtt geschriwwen dass "ongewollt Verhalen" wäert reduzéiert ginn.

- Wat versteet de Schäfferot ënner "ongewollt Verhalen"?

### **Fro 13:**

Am Sandweiler Aktuell 14-2024 goufe “Parkvignette fir Residenten” ugekënnegt.

- Wéini gëtt de Projet am Gemengerot diskutéiert a wéini ginn d'Kommissiounen em hiren Avis gefrot?


### **Fro 14:**

En Amendement zum Punkt 6 vum Ordre du jour vun der Gemengerotssëtzung vum 19. August 2024 hat deemools keng Stemme vun der Majoritéit kritt. De Schäfferot hat erkläert e misst sech dat nach mol genau ukucken an d'Ulafe vun dem Pacte du vivre ensemble interculturel géif zu deem Zäitpunkt vill Zäit an Usproch huelen.

- Wéini plangt de Schäfferot sech der Proposition vun der CSV nach mol unzehuelen déi aktuell Opdeelung ob eng méi gerecht Manéier ze iwwerschaffen?



Romain DUMONG  
Conseiller



Jean LEMMER  
Conseiller



Simone MASSARD-STITZ  
Conseillère





## Intro

Den offiziellen konto vun der Sandweiler Jugendkommission

 **Profil** · Politische Organisation

 Arbeitet bei Sandweiler Commune

 Wohnt in Sandweiler


## Fotos

[Alle Fotos ansehen](#)



Informationen zu Daten für Seiten-Insights · Privatsphäre · Nutzungsbedingungen · Werbung · Werbefürferenzen · Cookies · Mehr · Meta © 2024

## Beiträge

 Filter



Comission Jeunesse hat sein/ihr Profilbild aktualisiert.  
18. Oktober um 12:13 · 

...



